

Yinhcwngz: Vunzmbanj Aeu Gij Cienz Guh Loh-daeng Bang Yawhfuengz Gaemhanh Binghraq

Ndwen 2 ngoenz 12, doiq seizneix gij ngaenzcienz yawhfuengz gaemhanh binghraq caeuq doxgaiq giepnioix, vunzmbanj Laizbinh Si Yinhcwngz Yen Cwngzgvanh Cin Luzvaz Cunh Mbanjguyyangh gag cujciiz gien cienz, vunzmbanj youq diegrog hix doenggvaq veihsin gien cienz. Doengzseiz aen mbanj neix aeu 20000 maenz cienz yienzlaiz maeuzveh yungh daeuj guh lohdaeng 2 goengleix roen mbanj haenx gien okdaeuj, ngoenzhaenx aen mbanj neix aeu 23300 maenz cienz gien ndaej haenx gyau daengz hungsziswvei ndaw yienh, yungh gij hengzdoengh saedsaeh bang hong yawhfuengz gaemhanh binghraq.

Ciuq cam rox, aen mbanj neix youq bineix ndwencieng gaxgonq daengx mbanj 90 lai ranz couz ndaej 20000 maenz cienz, maeuzveh gvaq cieng le yungh daeuj guh lohdaeng 2 goengleix roen mbanj, hawj vunzlai banhaemh byaij roen fuengbienh. Hoeng naemj daengz seizneix hoenx sinhgvanh feiyenz hingzseiyouqgaen, daengx mbanj 400 lai boubunzmbanj naeuz, camhseiz mbouj guh lohdaeng, aeu 20000 maenz cienz couz ndaej haenx gien okdaeuj, bang hong yawhfuengz gaemhanh binghraq.

(Fanz Saugvangh/樊绍光)



▲ Vunzmbanj gagnyienh gien cienz bang yawhfuengz binghraq.

Lungzswng: Fuengz Raq Dajndaem Song Mbouj Nguh

Ndwen 2 ngoenz 12, Lungzswng Gak Cuz Swciyen Lungzciz Cin Gyanghliuj Cunh suhgi daih'it Yangz Gaij cingq fat aen goujcau hawj vunzlai Yauzcuz dang-dieg caemhcai senhconz gij cihsiz yawhfuengz gaemhanh binghraq.

Mboengqneix, Lungzswng Gak Cuz Swciyen cujciiz ganbu capyouq mbanj lienzhab cunh "song vej" ganbu, fatdoengh vunzlai, guhbaenz yienh muengx guh hong yawhfuengz gaemhanh binghraq, doengzseiz cujciiz vunzlai guh seizcin dajndaem, mboujdan aeu dwkhingz ciengzciengq vut gungz gunggeng, hix aeu dwkhingz ciengzciengq laengzhoenx binghraq.

(Veiz Gizyangz Vangz Yungjdanh/韦吉阳 黄勇丹)



▲ Suhgi daih'it son vunzlai baenzlawz daep goujcau.

Aen Giyez Simndei Yungzanh Gien Yw Bang Fuengz Binghraq

Ndwen 2 ngoenz 12, youq Aen Cijveihbu Yawhfuengz Gaemhanh Binghraq Yungzanh Yen, vunz guhhong cingq daeh gij yw giensoengq haenx. Ngoenzhaenx, Yungzanh Yen aen giyez guh yw ndeu aeu buek yw daih'it dauq guhhong haenx, 100 sieng(sienq 60 daeh, daeh 20 daeh iq) fuzfangh banjlanzgwnh ywnaed gyaqcienz dij 12 fanh maenz soengq hawj vunz guhhong itsienq yawhfuengz gaemhanh binghraq aen yienh neix, vih vunz guhhong itsienq yawhfuengz gaemhanh gunghawj yungh yw baujcam, caenh'itbouh daezsang dingj binghdoeg naengzlig, hawj vunz guhhong haengguh youq itsienq yawhfuengz gaemhanh binghraq haenx ansim guhhong, engq ndei guh ndei hong yawhfuengz gaemhanh binghraq, vih cienzmienh dwkhingz ciengzciengq lanzhoenx yawhfuengz gaemhanh binghraq okrengz.

(Danz Gaijhingh/谭凯兴)



▲ Vunz guhhong cingq buen yw.

Denzyangz 6000 Lai Boubouxgagnyienh Bae Guh Hong Yawhfuengz Gaemhanh Binghraq



▲ Boubouxgagnyienh dag dohraeuj ndangdaej vunz haejok.

gaemhanh binghraq cawjdoengh dangguh, cawjdoengh rapdawz, yungh gij hengzdoengh saedsaeh bae hoenx binghraq, vih dwkhingz ciengzciengq lanzhoenx binghraq guh'ok gij rengz gagnyienh fugsach seizdaih moq vwnzmingz saedhengz, ndaej daengz gyoengq vunz haenx.

(Vangz Gozsun/黄国顺)

Ndwen 2 ngoenz 16, boubouxgagnyienh aendoih gagnyienh fugsach seizdaih moq vwnzmingz saedhengz veiswng gengangh Denzyangz Yen youq dieg gamcaek lenzfangz lenzgung dag dohraeuj ndangdaej hawj vunzlai haejok haenx. Denzyangz gak seizdaih moq vwnzmingz saedhengz cungsim(soj, camh), gak gihgvanh swyez danhvei caeuq ndawbiengz gak gyaiq 6000 lai boubouxgagnyienh gaenxmaenx wngq iuheuh, fatyienz gij cingsaenz Leiz Fungh, gaenxmaenx bae guh hong yawhfuengz gaemhanh binghraq, youq gak aen guhhong gangjvei yawhfuengz